

# COVID-19 ciihtahikan

## Kekonen ciihtahikanaapo?

Ciihtahikanaapo kaa icikaatek mashkihkiwinian. Ciihtahikan aapihkoonk ishi piincihsin naanta peshiko ciihtahikan.

## Aan endocikemakahk ciihtahikanaapo?

Ciihtahokooyan kika wiicikhon ekaa ci aahkosiyon. Paapahkaan ayaawan ciihtahikanaapoon paahpahkaan inaahpinewinan naanta aahkosiwinan.

## Minoshkaakemakanoon ina ciihtahikanaapoon?

Eha. Mashkikiwinini miina omashkikiwi kihkentamaak kihci anokiiwak kecinaac ciihtahikanaapooni ciminosenik. Ehta ciihtahikanaapoon kaa minosekin pakitinikaate ci aapatahk Canada. Waawipac naanaakatawencikaate ci minosekin ciihtahikanaapoon.

## Ciihtahikanaapo ina ayaa ke aapatahk COVID-19 ikaank?

Eha, ayaawan aninta ciihtahikanaapoon ke aapatahk COVID-19 ikaank.

## COVID-19 ciihtahikanaapoon ina minosewan? Maawac ekii papaashi oshicikaatekin.

Eha. Mashkikiwinini miina omashkikiwi kihkentamaak kihci anokiiwak kecinaac ciihtahikanaapooni ciminosenik. Ehta ciihtahikanaapoon kaa minosekin pakitinikaate ci aapatahk Canada. Waawipac naanaakatawencikaate ci minosekin ciihtahikanaapoon.

## Nintaakii aashoohikon ina COVID-19 ciihtahikanaapo?

Kaawin. Kaawin kakii aashoohikohsiin COVID-19 ciihtahikanaapo. Ciihtahikanaapo owiicitoon kimiiyawaani ci nihsitawinank miina ci miikaatank COVID-19.

## Naanta ina pahkaan inishkaakemakan COVID-19 ciihtahikanaapo?

Kaa ishkwa ciihtahokooyan, kikakii naanta pahkaan inishkaakon. Kika kaakiicinihke iitok aanti kaakii ishi ciihtawikooyan. Naanta ci caakiwamanchiyon kaye cikishihsoyan. Miitash ohowe onci kimiiyaw emonshitooc ciihtahikanaapooni. Pahkaan inishkaakewinan kaawin mishiinokiishkaa kika ishi ayaasiin.

**Kika kii kiiwike kaye [manitoba.ca/COVID19/vaccine](https://manitoba.ca/COVID19/vaccine) onci wiintamaa kewin.**

Aanita awiyak oka macishkaakonaawaa ciihtahikanaapooni. Naanta awashime cikihciinishkaakowaac. Kawin mihshiin awiya ohowe otahpiici kihciinishkaakohsiin.

## Kiishpin tashwiin nawac mishiinokiishkaa ihiwe inamanchiyo yaan?

Naanta kikii aashohikoonaatok minikohk kaakii ciihtahokooyan. Kiishpin awashime niishokiishkaa inamanchiyon, naanta kitani aahkos. Pihkish ishi kanawenimitison (niikateshkaw awiyak) miina ci naanaakachi koyan COVID-19 ci ayaayan.

## Awanen nishtam ke ciihtawinc?

Mashkihkiwininiwak, mashkihkiikwek miina kotakiyak aahkosiiwi anokiinaa kanak nishtam ta ciihtawaawak ohomaa Manitoba.

Aanita kotakiyak nishtam ke ciihtawintwaa ahaweniwak iitok maawac ke aahkosihshkaakowaac. Ahaweniwak kaa kihci ahaawiwaac miina kaa Anishiniiniwiwaac.

## Aanahpii kenii ke ciihtahokooyaan?

Kinwensh pimise ci tepi oshihcikaatek ciihtahikanaapo kahkina citepise. Paahpahkaan awiyak ta ciihtawaawak paapahkaan ahpai. Okimaak miina okihkentamaak wiitanokiimitiwak ihiwe ci onentamiwaac. Kiyaaapic wiintamaakewin ta ani pakitinikaate ahpai wii ani ishisek ci ciihtawintwaa awiyak.

## Miina kiyaapic keshi kikishkamaan aakawiinkwepison miina ci niikateshka wakwaa awiyak ishkwa ciihtawikooyaan?

Eha. Aakawiinkwepisoyan miina niikateshkawatwaa awiyak kika wiicikhon miina kotakiyak ci mino ayaayek.

## Ninka tipahike ina ciihtawikooyaan?

Kaawin tipahikaatehsinon ciihtahikan awiya kaa miininc Manitobe.

## Kenii ina tash ci otaahpinamaan ciihtahikan?

Kika onetaan kiishpin wii otaahpinaman COVID-19 ciihtahikan. Kaawin kataac ci otaahpinaman ciihtahikan.

Mishiin awiyak paahpahkaan otitaanaawaa ciihtahikanini. Aaninta wiintamaakewinan iitok kwantaa ihkitoomakanoon. Kitaakii kakanoonak mashkikiikwek kiyaapi wii kihkentaman ciihtahikan. Kika miinikook kwayahk inaacimoowinini.